



Universitätsbibliothek Paderborn

Ivdex Magistratvs Senator

Zype, Franciscus van der

Antverpiæ, 1633

§. XI. De Moneta.

urn:nbn:de:hbz:466:1-14280

§. IX.

De iure vitæ ac necis.

Ius vitæ ac necis autocratiæ insignis etiam nota. Curt. l. 4. Cūm in regali solio residebis, vitæ necisque omnium ciuium dominus. sic olim Romæ morte mulctabat solus Populus, leg. XII. Tab. Eius insigne pugio olim : & gladius. & olim & hodiè in inaugurationibus velut insigne imperij gladius præfertur. Tac. l. 3. hist. ait Vitelliū solutū à latere pugionem Cecilio Simplici Consuli in concione reddidisse, tanquā ius vitæ ac necis. Carolo Mag. ante tribunal spatha nuda perpetim præferebatur. Commodus, cum Imperator salutaretur, Iulij gladium delubro Martis detractum tenens, circumlatus est per celeberrimos vicos.

§. X.

De pecunia imperanda.

Pecuniam imperare, vectigalia capere, telonia, solius est Principis. l. 10. de public. vectigalia sine Imperatorum præcepto neque Præsidi, neque Curatori, neque Curiæ constituere, nec præcedentia reformare, & his vel addere, vel minuere licet. non admittit tamen Loysau pro nota imperij, contra Bodinum, quod hæc potius facti, quam iuris æstimet. sed rectius Bodin. supponenda enim est potestas in Principe etsi abuti in imperandis tributis, sicut & cæteris, quæ ab eius arbitrio fluunt, contingat. quia & recte uti potest.

§. XI.

De Moneta.

Cudere monetam & imagine suâ signare, solius Principis est. sic Vopiscus in Fimo, Cūm ille diceret Firmum latrunculum fuisse, non Principem, contra ego illum & purpura vsum & percussa moneta Aut gustum esse vocatum; quinque etiam nummos Seuerus Archontius protulit. Commodus Pereninium familiarem suum pœnâ capitis affecit, quod nummos publicos suâ imagine signasset. ita iubetur leg. XII. Tab. Triumviri monetales aurum, argentum, æs publicè signantur & de Vngarorum politia Otto Frising: Nullus, inquit, in tantu spatio ambitu, Rege excepto, monetam vel telonium babere audet.

Dd

prout

2.
In Maiestatem peccat qui in monetam.

prout & vetitum est l. 2. C. de fal. mon. vbi etiam Maiestatis criminē obligatur, qui circa monetam peccat, qualitatem, mixturam monetæ, ideoque ad Principem spectare constat. l. vnic. C. de arg. pret. lib. 10. quia nummus publica mensura est, & aestimatio. l. i. in prin. D. de cont. emt. mensuram fallam fieri si corrumpatur moneta, ideoque labentis Imperij præsagium corruptionem monetæ innuit ille;

Discitur ex nummis quam se male tempora mutant.

3.
Hodie nimis communicatur inferiori- bus ius mo- nera.

Et magnâ apud veteres religione moneta tractata est. vt ne rescri- pto quidem competere alicui posset. l. vlt. Cod. de fals. mon. sed ni- mium hodie priuilegijs & præscriptionibus inferiores Principes ius monetæ cedendæ, præsertim in Imperio usurparunt. quod & pa- trum memoriam in Gallia accidit. sed Ludou. Hutinus Rex plurium Principum priuilegia ære redemit, & Franci. I. edicto generali usurpationes sustulit, & residua priuilegia. Lud. autem X I. inter reliquos prætextus belli Duci Britannæ indicti moneta aurea à Duce cuſa iuxta præcipios refertur. nec mysterio vacat interroga- tio Christi, exhibito census numismate, cuius effet imago & superscri- ptio? & ad responsum Cæsaris esse, date ergo Cæsari, que Cæsaris sunt.

§. XII.

De reliquis iuribus Majestatis.

1.
Sunt alia iura Regia minoris no- te.

SVNT & alia quæ ad iura Maiestatis referuntur, ab eaque distri- buuntur, sed vel ex his, quas diximus, notis ut fontibus fluunt, vel non ita emicantem habent splendorem, aut etiam inferio- ribus aliquatenus communicantur, vel lege aliquâ magis, aut communi vſu Summo Principi reseruantur. vt in integrum resti- tutiones, quæ lege Romanâ Prætori competunt; canonica Iudicis ordinario; vſu plerorumque regnorum à supremo Principe postu- lantur.

2.
Mandata Principum.

Primum ergo locum habent Mandata Principum, quæ ad legum condendarum auctoritatem referuntur. *Quod Principi placet legis ha- bet vigorem.* Hinc litteris Principum ad calcem inferi solet manda- ti clavisula, *quia nobis ita placet;* auctoritatis plena: *sic volo, sic iubeo,* *si pro ratione voluntas:* non quidem ipsi Regi, qui nihil debet velle, quod ex iustitia non potest; sed subdito, qui in rationem voluntatis Regiæ non debet inquirere, sed obedire: nisi legi diuinæ liquidò repugnet. Seruus siquidem herculis Imperij non censor, sed minister est. atque abditos Principis sensus, & si quid occultius parat, inquirere illicitum, *anceps,*